

T-3

Na osnovu članka 16. stavak 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Kantonalne direkcije robnih rezervi, Vlada Zeničko-dobojskog kantona, na 17. sjednici, održanoj dana 16.02.2024. godine, donosi

ZAKLJUČAK

I.

Utvrđuje se Nacrt Zakona o robnim rezervama.

II.

Nacrt Zakona iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-3104 /24
Datum, 16.02.2024. godine
Zenica

DOSTAVLJENO:

1x Kantonalna direkcija robnih rezervi,

1x Stručna služba Skupštine,

1x a/a.



PREMIJER

Nexir Pivić

Na temelju članka 37. točka f) Ustava Zeničko-dobojskog kantona, Skupština Zeničko-dobojskog kantona, na ____ sjednici održanoj dana _____._____._____. godine, donosi

ZAKON O ROBNIM REZERVAMA

DIO PRVI - OPĆE ODREDBE

Članak 1. (Predmet)

Ovim zakonom uređuju se struktura, formiranje, korištenje i obnavljanje robnih rezervi Zeničko-dobojskog kantona (u daljnjem tekstu: robne rezerve), osiguranje i održavanje prostora za smještaj i čuvanje robnih rezervi, financiranje, upravljanje i poslovanje robnim rezervama, smještaj i čuvanje predmeta i roba drugih organa uprave Zeničko-dobojskog kantona (u daljnjem tekstu: Kanton) i druga pitanja od značaja za robne rezerve Kantona.

Članak 2. (Definicije pojmova)

Pojedini pojmovi koji se koriste u ovom zakonu imaju sljedeća značenja:

- a) **Robne rezerve** u smislu odredaba ovog zakona, robnim rezervama smatraju se zalihe osnovnih roba i proizvoda, koje osigurava Kanton u cilju opskrbe stanovništva u doba ratnog stanja ili neposredne ratne opasnosti, velikih prirodnih nepogoda, tehničko – tehnoloških i ekoloških katastrofa i drugih posebnih okolnosti koje ugrožavaju život, egzistenciju i zdravlje građana Kantona.
- b) **Srednjoročni program robnih rezervi** je planski dokument kojim se ostvaruje temeljni cilj Direkcije formiranje robnih rezervi Kantona.
- c) **Plan robnih rezervi** – je godišnji plan nabavke proizvodnje i otkupa tržišnih viškova za robne rezerve.
- d) **Skladištar** – je pravna ili fizička osoba koja ispunjava sve uvjete propisane za skladištenje robnih rezervi u pravilu s kraćim rokovima trajanja, kojoj se temeljem ugovora daje roba robnih rezervi na skladištenje, čuvanje i obnavljanje.

Članak 3. (Značaj poslova)

Obavljanje poslova u vezi s robnim rezervama su od posebnog interesa za Kanton.

DIO DRUGI- STRUKTURA, FORMIRANJE, OBNAVLJANJE I KORIŠTENJE ROBNIH REZERV

Članak 4. (Struktura robnih rezervi)

(1) Strukturu robnih rezervi čine poljoprivredni, industrijski prehrambeni i neprehrambeni proizvodi nužni za ishranu i sklanjanje stanovništva, lijekovi humani i veterinarski, sanitetski materijal i medicinsko-veterinarska sredstva.

(2) Popis robe koja čini robne rezerve iz stavka (1). ovoga članka određuje se Srednjoročnim programom i Planom robnih rezervi, po vrstama roba iz Aneksa koji se nalazi u prilogu ovog Zakona i čini njegov sastavni dio.

(3) Predmeti i roba drugih organa uprave i upravnih organizacija mogu se putem ugovora dati na čuvanje Kantonalnoj direkciji robnih rezervi (u daljnjem tekstu: Direkcija) i takvi predmeti i robe ne ulaze u strukturu robnih rezervi.

Članak 5. (Srednjoročni program robnih rezervi)

(1) Formiranje, obnavljanje robnih rezervi i osiguranje skladišnog prostora za smještaj i čuvanje robnih rezervi provodi se na temelju Srednjoročnog programa robnih rezervi (u daljnjem tekstu: Srednjoročni program) koji se donosi na period od pet godina.

(2) Srednjoročnim programom određuju se obim i struktura robnih rezervi Kantona, odnosno vrsta, naziv i količina robe koju čine robne rezerve i njihov teritorijalni razmještaj, financijski plan za formiranje robnih rezervi, osiguranje skladišnog prostora za smještaj robnih rezervi, nabavku nedostajućih sredstava i opreme.

(3) Srednjoročni program donosi Vlada Kantona, na prijedlog Direkcije.

(4) Podaci iz stavka (2) ovog članka smatraju se tajnim podacima ako bi se otkrivanjem istih nanijela nepopravljiva šteta i/ili teška šteta ili šteta nacionalnoj sigurnosti i vitalnim interesima Kantona ili bi se otkrivanjem takvih podataka naštetilo djelovanju i izvršavanju zadataka kantonalnih organa uprave i upravnih organizacija.

(5) Način i oblik označavanja tajnih podataka, fizičke, organizacijske, tehničke mjere i postupci za čuvanje tajnih podataka iz stavka (4) ovog članka uređuje se u skladu sa zakonom i podzakonskim propisima kojim se uređuje zaštita tajnih podataka.

Članak 6. (Plan robnih rezervi)

(1) U skladu s usvojenim Srednjoročnim programom Vlada Kantona, na prijedlog Direkcije, donosi Godišnji plan nabavke proizvodnje i otkupa tržišnih viškova za robne rezerve (u daljnjem tekstu: Plan robnih rezervi).

(2) Plan robnih rezervi Direkcija je dužna izraditi, najkasnije 30 dana po usvajanju Proračuna Kantona.

(3) Planom robnih rezervi se određuje vrsta, naziv, količina i procijenjena vrijednost robe koja se nabavlja i obnavlja, osiguranje skladišnog prostora, prodaju i obnavljanje robnih rezervi, iznos i izvore potrebnih sredstava za provedbu Plana robnih rezervi.

(4) Ukoliko se Planom robnih rezervi planira nabavka lijekova, sanitetskog materijala i medicinsko-veterinarskih sredstava, kao i proizvodnja i otkup tržišnih viškova određenih roba, isti mora biti usuglašen s resornim kantonalnim ministarstvom, ovisno o vrsti roba za koju je Vlada

Kantona osigurala troškove nabavke, odnosno otkupa i proizvodnje, u skladu s člankom 7. stavak (3) i člankom 20. stavak (2) ovog Zakona.

Članak 7. (Formiranje robnih rezervi)

(1) Nabavka robnih rezervi vrši se na osnovu Plana robnih rezervi, u skladu s propisima o javnim nabavkama u Bosni i Hercegovini.

(2) O kupnji robe, sredstava, opreme i usluga za robne rezerve, u skladu s usvojenim Planom javne nabavke, odlučuje direktor Direkcije.

(3) Vlada Kantona u cilju formiranja robnih rezervi, na inicijativu resornog ministarstva, može donijeti odluku o otkupu pojedinih vrsta poljoprivrednih proizvoda po zaštićenoj cijeni za što osigurava sredstva za troškove otkupa.

Članak 8. (Obnavljane robnih rezervi)

(1) Robne rezerve održavaju se pravovremenim obnavljanjem, ovisno o vrsti i prirodi robe i njezinom roku trajanja.

(2) Roba se obnavlja prodajom i kupnjom robe, te podjelom u skladu s člankom 10. stavak (3) ovog Zakona.

(3) Prodaja i kupnja robe, koja čini robne rezerve ne smije prouzročiti negativne poremećaje u odnosima ponude i potražnje na domaćem tržištu.

Članak 9. (Pravilnik o upravljanju i obnavljanju robnih rezervi)

Postupak obnavljanja robe, prodaje, kupnje, darovanja i podijele, radi obnavljanja robnih rezervi, davanja instrumenata osiguranja za robne rezerve propisuju se pravilnikom koji donosi direktor Direkcije.

Članak 10. (Korištenje robnih rezervi)

(1) Robne rezerve mogu se koristiti:

- a) u doba ratnog stanja ili neposredne ratne opasnosti,
- b) u slučaju nastupanja posebnih okolnosti koje podrazumijevaju događaj ili određeno stanje koje se nije moglo predvidjeti i na koje se nije moglo utjecati, a koje ugrožava život, egzistenciju i zdravlje građana, imovinu veće vrijednosti, znatno narušava okoliš, gospodarsku aktivnost ili uzrokuje znatnu gospodarsku štetu,
- c) u slučaju velikih prirodnih nepogoda i tehničko-tehnoloških i ekoloških katastrofa.

(2) Osim slučajeva iz stavka (1) ovog članka, robne rezerve mogu se koristiti i za upućivanje žurne pomoći drugim nivoima vlasti u Bosni i Hercegovini i drugim državama u slučaju katastrofa i pružanja humanitarne pomoći, te u slučaju sudjelovanja struktura Civilne zaštite Kantona u humanitarnim misijama.

(3) Iznimno roba iz robnih rezervi može se bez naknade dodijeliti kao pomoć određenim kantonalnim organima, upravnim organizacijama i javnim ustanovama, kao i udrugama i humanitarnim organizacijama na području Kantona, ukoliko se bave djelatnošću koja je u vezi sa socijalnim i humanitarnim radom.

(4) Odluku o korištenju robnih rezervi, u slučajevima iz stavka (1), (2) i (3) donosi Vlada Kantona, na prijedlog Direkcije.

DIO TREĆI – SKLADIŠTENJE ROBNIH REZERV

Članak 11. (Skladištenja roba robnih rezervi)

(1) Radi smještaja i čuvanja robnih rezervi osigurava se odgovarajući skladišni i drugi prostor izgradnjom vlastitog prostora, zajedničkim ulaganjem, kupovinom ili zakupom na području Kantona.

(2) Vlada Kantona može privremeno staviti poslovni prostor u kantonalnoj, mješovitoj ili privatnoj svojini u funkciju robnih rezervi, sa ili bez naknade, sukladno ovom i drugim zakonima, kada ocijeni da je to neophodno i u interesu Kantona.

Članak 12. (Skladištar)

(1) Poslovi skladištenja robnih rezervi mogu se povjeriti pravnim i fizičkim osobama koje ispunjavaju uvjete za obavljanje tih poslova (u daljnjem tekstu: skladištar).

(2) Prava i obveze u vezi sa skladištenjem iz stavka (1) ovog članka uređuju se ugovorom između skladištara i Direkcije.

(3) Poslovi skladištenja ne mogu se povjeriti pravnim i fizičkim osobama kojima je u posljednje dvije godine pravomoćnom sudskom odlukom ili rješenjem o prekršaju izrečena mjera sigurnosti ili zaštitna mjera zabrane rada, niti skladištarima koji su zbog nemara prouzročili pad kvalitete robe i umanjenje tržišne vrijednosti robe kojom raspolaže Direkcija.

Članak 13. (Ugovor o skladištenju)

(1) Skladištar kojem je na osnovu ugovora u skladu s ovim Zakonom, data roba robnih rezervi na skladištenje, ne može bez pismenog naloga Direkcije tu robu koristiti, zamijeniti robom druge vrste ili kvalitete, kao ni premjestiti u drugo skladište ili koristiti na drugi način.

(2) Ugovorom o skladištenju može se zavisno od vrste i kvalitete robe, zbog kratkih rokova upotrebe, predvidjeti da obnavljanje robe vrši skladištar kojem su robne rezerve povjerene na čuvanje i to putem sukcesivnog korištenja pojedinih količina, i njihovom potpunom robama istih kvaliteta i količina.

Članak 14. (Skladištenje predmeta i roba drugih organa uprave Kantona)

(1) Direkcija je dužna primiti na čuvanje predmete i robe drugih organa uprave i upravnih organizacija Kantona, ukoliko posjeduje vlastite ili iznajmljene skladišne kapacitete za skladištenje takvih predmeta i roba, s tim da se skladištenjem istih ne naruše sve propisane mjere higijensko tehničke zaštite uskladištene robe.

(2) Skladištenje i čuvanje roba iz stavka (1) ovog članka uređuje se pravilnikom koji donosi direktor Direkcije.

Članak 15.
(Instrumenti zaštite robnih rezervi)

(1) Roba, oprema, odnosno proizvodi, koji čine robne rezerve, a koji su uskladišteni kod skladištara ne mogu biti predmetom ovrhe niti osiguranja potraživanja trećih osoba prema tim skladištara.

(2) Skladištari kod kojih je uskladištena roba robnih rezervi, skladište ili oprema nemaju pravo pridržaja niti založno pravo na tu robu, skladište ili opremu.

(3) Skladištari kod kojih je uskladištena roba robnih rezervi ili oprema dužni su se pridržavati ugovora o skladištenju i čuvanju robnih rezervi.

(4) Skladištari su se dužni pridržavati ugovora o zakupu skladišta i opreme.

DIO ČETVRTI - FINANCIRANJE ROBNIH REZERV

Članak 16.
(Sredstva za financiranje robnih rezervi)

Sredstva za financiranje robnih rezervi i rad Direkcije osiguravaju se iz:

- a) Proračuna Kantona,
- b) sredstava ostvarenih od prodaje roba iz robnih rezervi,
- c) vlastitih prihoda Direkcije,
- d) donacija u robi i novcu i
- e) drugih izvora sukladno propisima.

Članak 17.
(Financijsko poslovanje)

(1) U Direkciji se vodi računovodstvo sredstava robnih rezervi, u skladu s propisima o vođenju računovodstva korisnika Proračuna.

(2) Rezultati poslovanja s robnim rezervama utvrđuju se Godišnjim financijskim izvješćem.

DIO PETI - UPRAVLJANJE, POSLOVANJE I RUKOVOĐENJE ROBNIM REZERVAMA

Članak 18.
(Upravljanje robnim rezervama)

- (1) Robnim rezervama upravlja Vlada Kantona.
- (2) U upravljanju robnim rezervama Vlada Kantona:
 - a) donosi Srednjoročni program robnih rezervi,
 - b) donosi Plan robnih rezervi,
 - c) donosi Programe utroška sredstava za realizaciju Plana robnih rezervi, osiguranje skladišnog prostora za robne rezerve i nabavku nedostajućih sredstava i opreme za skladištenje i manipulaciju roba robnih rezervi,

- d) odlučuje o korištenju robnih rezervi u skladu s ovim Zakonom,
- e) donosi odluke o prodaji ili dodjeli roba iz robnih rezervi,
- f) donosi odluke o otkupu pojedinih vrsta poljoprivrednih proizvoda po zaštićenoj cijeni i njihovoj količini i osigurava sredstva za troškove otkupa,
- g) odlučuje o kupnji nekretnina koje su potrebne za skladištenje robnih rezervi,
- h) donosi odluke o prijenosu pojedinih sredstava robnih rezervi uz naknadu ili bez naknade organizacijama, udrugama te jedinicama lokalne samouprave.

(3) O upravljanju i korištenju robnih rezervi Vlada Kantona odlučuje na temelju prijedloga Direkcije.

Članak 19.

(Upravljanje u doba ratnog stanja ili neposredne ratne opasnosti)

(1) U doba ratnog stanja, ili neposredne ratne opasnosti Vlada Kantona može mijenjati način stvaranja, upotrebe, korištenja i obnavljanja robnih rezervi i održavanja skladišnog prostora za smještaj i čuvanje tih rezervi, utvrđen Planom robnih rezervi i godišnjim programom za realizaciju Plana robnih rezervi, vodeći računa da se one prioritarno koriste za potrebe obrane.

(2) Vlada Kantona može obvezati pravne i fizičke osobe koje proizvode, odnosno koje obavljaju promet određenim vrstama roba koje čine robne rezerve, da u doba ratnog stanja ili neposredne ratne opasnosti moraju nastaviti tu proizvodnju, odnosno robu zatečenu na zalihama gotovih proizvoda predati Direkciji radi popune, odnosno obnavljanja robnih rezervi.

Članak 20.

(Poslovanje u vezi s robnim rezervama)

(1) Upravne i druge stručno-operativne poslove u poslovanju s robnim rezervama obavlja Direkcija, kao samostalna upravna organizacija, u okviru prava i dužnosti utvrđenih posebnim zakonom.

(2) Kada nastupe okolnosti iz članka 10. stavak (1) ovog Zakona, robe namijenjene za popunu robnih rezervi mogu se osiguravati ugovaranjem proizvodnje na temelju odluke Vlade Kantona.

(3) U okviru izvršavanja svojih poslova utvrđenih ovim zakonom, Direkcija zaključuje ugovore u svoje ime, a za račun Kantona. Za obveze nastale po ovim ugovorima odgovara Kanton sredstvima Proračuna.

(4) Direkcija je obvezna postupati u skladu sa zakonskim i provedbenim propisima kojima su regulirana pitanja izvještavanja o radu.

(5) Kontrolu poslovanja Direkcije vrše ovlašteni organi, a izvještaje o izvršenoj kontroli razmatra Vlada Kantona.

Članak 21.

(Rukovođenje)

(1) Direkcijom upravlja direktor, kojeg imenuje i razrješava Vlada Kantona u skladu s propisima kojima se regulira status državnih službenika.

(2) Direktor zastupa i predstavlja Direkciju, zaključuje ugovore o poslovanju robnim rezervama, raspolaže sredstvima za robne rezerve u skladu s aktima Vlade Kantona i odgovoran je za zakonit rad Direkcije.

(3) Direktor u rukovođenju Direkcijom ima sva prava, ovlaštenje i obveze koje po zakonu i drugim propisima ima rukovoditelj samostalne uprave i samostalne ustanove.

DIO ŠESTI - NADZOR

Članak 22.

(Prava i obveze Direkcije prilikom obavljanja nadzora)

- (1) Nadzor nad provođenjem ovog Zakona obavlja Direkcija.
- (2) Nadzor iz stavka (1) ovog članka provodi se kontinuirano tijekom cijele godine provjerom knjigovodstvenog i količinskog stanja robe, te provjerom kvalitete i upotrebljivosti robe.
- (3) U obavljanju poslova nadzora iz stavka (1) ovog članka Direkcija ima pravo i obvezu:
 - a) narediti otklanjanje uočenih nedostataka u određenom roku;
 - b) narediti premještanje robe na teret skladištara, ako se ocjeni da je ugrožena zaštita i čuvanje robnih rezervi,
 - c) podnijeti zahtjev za pokretanje prekršajnog postupka protiv počinitelja prekršaja odnosno podnijeti kaznenu prijavu protiv počinitelja kaznenog djela,
 - d) raskinuti ugovor,
 - e) pokrenuti druge postupke u skladu s posebnim zakonima radi zaštite i očuvanja robnih rezervi.
- (4) Za provođenje nadzora iz stavka (2) ovog članka Direkcija može angažirati i druge upravne i stručne nadležne organe radi provjere kvaliteta i kvantiteta uskladištene robe, a u slučaju onemogućavanja i sprječavanja ovlaštenih službenika Direkcije u obavljanju nadzora, u skladu sa zakonom kojim se uređuje policijski poslovi i ovlasti, zatražiti pomoć nadležne policijske uprave.

DIO SEDMI - KAZNENE ODREDBE

Članak 23.

(Prekršaji i prekršajne kazne)

- (1) Novčanom kaznom od 2.000,00 KM do 10.000,00 KM, kaznit će se za prekršaj pravna i fizička osoba:
 - a) ako se ne pridržava ugovora o skladištenju i čuvanju robnih rezervi sukladno članku 15. stavku (3) ovog Zakona,
 - b) ako se ne pridržava ugovora o skladištenju i čuvanju robnih rezervi sukladno članku 15. stavku (4) ovog Zakona,
 - c) ako ne postupi sukladno članku 22. stavak (3) ovog Zakona,
 - d) ako spriječi ovlaštenog službenika Direkcije i drugih ovlaštenih tijela u poslovima nadzora sukladno članku 22. stavak (1) i (2) ovog Zakona.
- (2) Za prekršaj iz stavka (1) ovog članka kaznit će se i odgovorna osoba u pravnoj osobi novčanom kaznom u iznosu od 500,00 KM do 5.000,00 KM.

DIO OSMI - PRIJELAZNE I ZAVRŠNE ODREDBE

Članak 24.

(Donošenje provedbenih propisa)

Pravilnik iz članka 9. i članka 14. stavak (2) direktor Direkcije će donijeti u roku od 90 dana od dana stupanja na snagu ovog Zakona.

Članak 25.
(Prestanak primjene zakona)

Danom stupanja na snagu ovog Zakona prestaje važiti Zakon o robnim rezervama Zeničko-dobojskog kantona („Službene novine Zeničko-dobojskog kantona“, br. 13/97).

Članak 26.
(Stupanje na snagu zakona)

Ovaj Zakon stupa na snagu osmog dana od dana objave u „Službenim novinama Zeničko-dobojskog kantona“.

Broj:
Datum,
Z e n i c a

Predsjedavajući

Ćazim Huskić

Popis roba koje mogu činiti robne rezerve Kantona

Red. br.	Vrsta robe
I.	POLJOPRIVREDNI I PREHRAMBENI PROIZVODI
1.	Žitarice i prerađevine od žitarica;
2.	Riža;
3.	Tjestenine;
4.	Meso i mesne prerađevine, mesne konzerve;
5.	Mlijeko i mliječne prerađevine;
6.	Jaja;
7.	Voda;
8.	Sol i začini;
9.	Šećer;
10.	Med;
11.	Jestivo ulje i masti biljnog i životinjskog porijekla;
12.	Ostali poljoprivredni i prehrambeni proizvodi koje odredi Vlada Kantona Srednjoročnim programom i Planom robnih rezervi.
II.	NEPREHRAMBENI PROIZVODI
1.	Naftni derivati;
2.	Građevinski materijali;
3.	Proizvodi od plastičnih masa;
4.	Metlenice i naprtnjače za gašenje požara;
5.	Vozila, agregati, pumpe za vodu, plovila;
6.	Višenamjenske cisterne;
7.	Oprema za zaštitu od poplava;
8.	Sredstva za asanaciju, dezinfekciju, dezinsekciju i deratizaciju;
9.	Oprema i roba za opskrbu, smještaj i zdravstveno zbrinjavanje stanovništva;
10.	Kontejneri, šatori;
11.	Poljski ležajevi, vreće za spavanje, deke;
12.	Vreće za mrtvace;
13.	Spremnici za vodu;
17.	Sanitarna oprema;
18.	Pokretne kuhinje, kompleti za jelo;
19.	Svjetiljke, aku i plinske lampe, svijeće;
20.	Sredstva za higijenu, deterdženti, sapun, paste za zube, toalet papir i dr.
23.	Ostali neprehrambeni proizvodi koje odredi Vlada Kantona Srednjoročnim programom i Planom robnih rezervi.
III.	LIJEKOVI, CIJEPIVA, PROTUOTROVI, MEDICINSKI PROIZVODI
1.	Lijekovi humani i veterinarski, protuotrovi, sanitetski materijal i medicinsko-veterinarska sredstva, sanitetski potrošni materijal i zaštitna oprema koju na prijedlog nadležnog ministarstva odredi Vlada Kantona Srednjoročnim programom i Planom robnih rezervi.

O b r a z l o ž e n j e

NACRTA ZAKONA O ROBNIM REZERVAMA

USTAVNO PRAVNI OSNOV

Ustavni osnov za donošenje Nacrta Zakona sadržan je u članku 50. točki a) Ustava Zeničko-dobojskog kantona kojim je utvrđeno da je Vlada Kantona nadležna za provođenje kantonalne politike i predlaganje i izvršavanje kantonalnih zakona i drugih propisa, a člankom 37. točka f) određeno je da Skupština donosi zakone i ostale propise za izvršavanje kantonalnih nadležnosti.

RAZLOZI ZA DONOŠENJE ZAKONA

Važeći Zakon o robnim rezervama Zeničko-dobojskog kantona ("Sl. novine Ze-do kantona", br. 13/97.) (u daljnjem tekstu: Zakon o robnim rezervama), donesen je 03.09.1997. godine i od tada nije pretrpio bilo kakve izmjene, zbog čega u sebi sadrži rješenja koja nisu u mogućnosti osigurati efikasno funkcioniranje robnih rezervi. Novim Zakonom normativnim putem rješavaju se problemi koji nastaju u praksi vezano za upravljanje robnim rezervama, kao i sam rad i poslovanje Kantonalne direkcije robnih rezervi, a da se isti, u dijelu gdje je to moguće, uskladi s odredbama Federalnog Zakona o robnim rezervama („Službene novine F BiH“, broj: 46/99).

OBRAZLOŽENJE POJEDINIH ODREDBA NACRTA ZAKONA

Prema tekstu ovog Nacrta Zakona dat je prijedlog pravnih rješenja na slijedeći način:

Člankom 1. definirano je da se ovim Nacrtom uređuju uvjeti za formiranje, korištenje, obnavljanje i teritorijalni razmještaj i čuvanje robnih rezervi, a novina je da se istim, iako se ovi poslovi obavljaju već dugi niz godina, po prvi put definira smještaj i čuvanje predmeta i roba drugih organa uprave Zeničko-dobojskog kantona.

Člankom 2. date su definicije pojedinih pojmova koje se koriste u ovom zakonu.

Člankom 3. definirano da je obavljanje poslova u vezi s robnim rezervama od posebnog interesa za Kanton.

Člankom 4. propisana je struktura robnih rezervi, odnosno definiraju se svi osnovni poljoprivredni, industrijski, prehrambeni i neprehrambeni proizvodi i lijekovi koji mogu činiti robne rezerve, a nužni su za preživljavanje i sklanjanje stanovništva.

Člankom 5. analogno Federalnom zakonu uvodi se Srednjoročni program koji se donosi na period od pet godina, a kojim se određuje obim i struktura robnih rezervi Kantona, odnosno vrsta, naziv i količina robe koju čine robne rezerve i njihov teritorijalni razmještaj, financijski plan za formiranje robnih rezervi, osiguranje skladišnog prostora za smještaj robnih rezervi, nabavka nedostajućih sredstava i opreme i druge aktivnosti u interesu razvoja robnih rezervi.

Člankom 6. definirano je da u skladu s usvojenim Srednjoročnim programom Vlada Kantona, na prijedlog Direkcije, donosi Godišnji plan nabavke proizvodnje i otkupa tržišnih viškova za robne rezerve, odnosno Plan robnih rezervi.

Člankom 7. i 8. definiran je način formiranja i obnavljanja robnih rezervi.

Člankom 9. propisuje se donošenje Pravilnika o upravljanju i obnavljanu robnih rezervi, kao provedbenog akta kojim će se potanje razraditi postupak obnavljanja robe, prodaje, kupnje i podijele, radi obnavljanja robnih rezervi, davanja instrumenata osiguranja za robne rezerve i sve druge potrebne radnje.

Člankom 10. uz rješenja iz važećeg zakona, novim prijedlogom se na jedan potpuno novi i svrsishodniji način definira korištenje robnih rezervi, prilagođeno novim uvjetima življenja, stavljajući u fokus i nastupanja svih posebnih okolnosti koje podrazumijevaju događaj ili određeno stanje koje se nije moglo predvidjeti i na koje se nije moglo utjecati, a koje ugrožava život, egzistenciju i zdravlje građana. Novina je da se robne rezerve mogu koristiti i za pružanje pomoći drugim nivoima vlasti u Bosni i Hercegovini, kao i drugim državama, u slučaju nastanka katastrofa, što dosada nije bio slučaj, a u iznimnim slučajevima roba iz robnih rezervi može se bez naknade dodijeliti i kao pomoć određenim kantonalnim organima, upravnim organizacijama i javnim ustanovama, kao i humanitarnim organizacijama na području Kantona, ukoliko se bave djelatnošću koja je u vezi sa socijalnim i humanitarnim radom.

Člankom 11., 12., 13., 14. i 15. definira se skladištenje roba robnih rezervi, skladištenje predmeta i roba drugih organa uprave Zeničko-dobojskog kantona i donošenje Pravilnika kojim će se potanje razraditi ovi poslovi. Kome se mogu dodijeliti poslovi skladištenja - „skladištari“, Ugovori o skladištenju i instrumenti zaštite robnih rezervi.

Člankom 16. i 17. definiraju se izvori financiranja robnih rezervi i financijsko poslovanje robnih rezervi.

Člankom 18. i 19. precizirane su nadležnosti Vlade Kantona u upravljanju robnim rezervama u mirnodopsko vrijeme kao i upravljanje u doba ratnog stanja ili neposredne ratne opasnosti.

Člankom 20. i 21. definira se poslovanje u vezi s robnim rezervama, upravni i drugi stručno operativni poslovi koji su u nadležnosti Direkcije, rukovođenje, imenovanje i razrješenje direktora koji upravlja Direkcijom.

Člankom 22. definiraju se prava i obveze Direkcije prilikom obavljanja nadzora nad provođenjem ugovora o uskladištenju i čuvanju robnih rezervi i stanju robnih rezervi.

Člankom 23. propisane su sankcije za povredu Zakona.

Člankom 24. propisano je donošenje podzakonskih propisa.

Člankom 25. propisan je prestanak primjene dosadašnjeg i početak primjene ovog Zakona.

FINANCIJSKA SREDSTVA

Za provođenje ovog Zakona osigurana su sredstva u Proračunu Zeničko-dobojskog kantona na poziciji Kantonalna direkcija robnih rezervi.

Napomena:

U skladu sa člankom 64. Jedinstvenih pravila za izradu pravnih propisa u Zeničko-dobojskog kantonu („Službene novine Ze-do kantona“, broj: 5/08), resorna ministarstva i uprave Zeničko-dobojskog kantona, nisu imali sugestije na predložene odredbe Nacrta Zakona o robnim rezervama.



Broj: 07-02-11880-3/23
Zenica, 25.12.2023. godine

KANTONALNA DIREKCIJA ROBNIH REZERV

PREDMET: Mišljenje na Nacrt Zakona o robnim rezervama Zeničko-dobojskog kantona
- dostavlja se

Ministarstvo finansija je razmotrilo Nacrt Zakona o robnim rezervama Zeničko-dobojskog kantona, koji je dostavljen na mišljenje uz akt Kantonalne direkcije robnih rezervi Zeničko-dobojskog kantona, broj: 17-02-11880-3/23 od 01.12.2023. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 42. stav 1. Zakona o budžetima u Federaciji BiH, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH („Službene novine Federacije BiH“, broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

U Obrazloženju Nacrta Zakona o robnim rezervama Zeničko-dobojskog kantona, navedeno je da su za provođenje ovog Zakona osigurana sredstva u Budžetu Zeničko-dobojskog kantona.

Također, u Izjavi o fiskalnoj procjeni – Obrazac IFP-NE od 01.12.2023. godine, navedeno je da Nacrt Zakona o robnim rezervama Zeničko-dobojskog kantona neće iziskivati dodatni finansijski učinak na Budžet Zeničko-dobojskog kantona.

Odredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16) i člana 58. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

Odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

S tim u vezi, Ministarstvo finansija ne snosi odgovornost za pravna rješenja predložena od strane obrađivača u dostavljenom Nacrtu Zakona.

Imajući u vidu gore navedeno Obrazloženje Nacrta Zakona i dostavljenu Izjavu o fiskalnoj procjeni, u kojima je navedeno da za provođenje Nacrta Zakona osigurana sredstva u Budžetu Zeničko-dobojskog kantona, odnosno da isti neće iziskivati dodatni finansijski učinak na Budžet Zeničko-dobojskog kantona, Ministarstvo finansija nema drugih primjedbi i sugestija iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezna obezbijediti sama Kantonalna direkcija robnih rezervi Zeničko-dobojskog kantona, kroz uštede ili unutrašnje preraspodjele sredstava.

S poštovanjem!

Dostavljeno:

☒ Naslovu,
☐ a/a.



MINISTRICA

Dženana Čišija
Dženana Čišija





Kantonalna direkcija robnih rezervi
n/r direktora

Zenica, 08.01.2024.godine
Naš broj: 06-04/2-02-18152-2/23

PREDMET: Nacrt Zakona o robnim rezervama Zeničko-dobojskog kantona- mišljenje,
dostavlja se

Vaš broj: 17-30-13931-7/23 od 20.07.2023. god.; 17-02-11880-3/23 od 01.12.2023. god. i 17-02-11880-3-2/23 od 28.12.2023. god.

U skladu sa članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj 10/15 i 8/22), i članom 31. stav (1) tačka b) Poslovnika o radu Vlade Zeničko- dobojskog kantona („Službene novine Zeničko- dobojskog kantona“, broj: 10/21), te na osnovu uvida u korigovani tekst Nacrta Zakona o o robnim rezervama Zeničko-dobojskog kantona (u daljem tekstu: Nacrt Zakona) i dopune akta dostavljenih aktom veze, u postupku pravne analize Nacrta Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15 i 8/22), daje se

MIŠLJENJE

Ministarstvo za pravosuđe i upravu Zeničko-dobojskog kantona (u daljem tekstu: Ministarstvo), s aspekta svoje nadležnosti, nema primjedbi na dostavljeni Nacrt Zakona.

Poštovanje,

Dostaviti:

1 x Naslovu

1 x a/a



MINISTAR

Nebojša Nikolić



Bosna i Hercegovina, Zenica, Kućukovići br. 2
telefon: 032/460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba



Broj: 03-02-19190-1/23

Zenica, 12.01.2024. godine

**ZENIČKO-DOBOJSKOG KANTONA
KANTONALNA DIREKCIJA ROBNIH REZERV**

PREDMET: Mišljenje o Nacrtu Zakona o robnim rezervama - dostavlja se
- Veza Vaš akt broj: 17-02-1188-4/23 od 10.01.2024. godine -

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine FBiH“, broj: 8/96 i „Službene novine Zeničko-dobojskog kantona“, broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), te na osnovu uvida u tekst Nacrta Zakona o robnim rezervama, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni osnov za donošenje Nacrta Zakona o robnim rezervama (u daljem tekstu: Nacrt zakona) je pravilno utvrđen.


Nacrt Zakona je usklađen sa pravnim sistemom i urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj 5/08).

Shodno navedenom, stekli su se uvjeti za davanje mišljenja na osnovu člana 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 10/21) i upućivanje Nacrta zakona u dalju proceduru.

Dostavljeno:

1x Naslovu,

1x a/a.



OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
25 01 0001		KANTONALNA DIREKCIJA ROBNIH REZERV ZENIČKO-DOBOJSKOG KANTONA

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
Naziv propisa/akta	Uredba	NE	Drugi akti	NE	Drugi akti planiranja	NE
	Zakon o robnim rezervama Zeničko-dobojskog kantona					

C 3. Izjava o nepostojanju dodatnih fiskalnih efekata predloženog propisa

Nacrtr Zakona o robnim rezervama ,neće iziskivati dodatni finansijski učinak na Proračun Zeničko-dobojskog kantona

D 4. Pečat i potpis odgovornog lica

Mjesto i datum

Zenica, 01.12.2023.godine





SLUŽBENE NOVINE

ZENIČKO - DOBOJSKOG KANTONA

Godina II - Broj 13

ZENICA, Ponedjeljak, 22. 09. 1997. g.

147.

Na osnovu člana 37. Ustava Zeničko-dobojskog kantona, Skupština Zeničko-dobojskog kantona, na 12. sjednici, održanoj 03.09.1997. godine, donosi

ZAKON O ROBNIM REZERVAMA ZENIČKO- DOBOJSKOG KANTONA

I. OPĆE ODREDBE

Član 1.

Ovim zakonom uređuje se struktura, formiranje, obnavljanje i korištenje robnih rezervi, skladištenje, čuvanje, finansiranje, upravljanje, poslovanje i druga pitanja vezana za robne rezerve Zeničko-dobojskog kantona (u daljem tekstu: Kanton).

Član 2.

Robnim rezervama smatraju se zalihe određenih roba i novčana sredstva koje treba da obezbijedi Kanton, općine u sastavu Kantona i preduzeća od interesa za proizvodnju, nabavku i distribuciju roba.

Član 3.

Odredbe ovog zakona shodno se primjenjuju i na robne rezerve općina i preduzeća na području Kantona.

II. STRUKTURA, FORMIRANJE, OBNAVLJANJE I KORIŠTENJE ROBNIH REZERVU

Član 4.

Strukturu robnih rezervi čine:

- osnovni poljoprivredni i prehrambeni proizvodi (brašno, ulje, šećer, riža, grah, tjestenine, so, germa, konzervirano povrće, konzervirano meso, riba, mlijeko u prahu, keks i dječija hrana, kao i drugi proizvodi neophodni za preživljavanje stanovništva);
- rezerve mesa u živoj stoci;
- sirovine i reprodukcionni materijal za poljoprivredu i stočna hrana;
- sirovine i reprodukcionni materijal za industriju;
- odjevni industrijski proizvodi (odjeća, obuća, veš i slično);
- sredstva za opću i ličnu higijenu (sapun, deterdženti za pranje i održavanje, pasta za zube, krema za čipele i slično);
- nafta, naftni derivati, motorna ulja, anti-zamrzavajuća sredstva;

- autogume i rezervni dijelovi;
- eksplozivna sredstva za rudarstvo;
- strateški industrijski neprehrambeni proizvodi;
- ogrijevni materijal (drvo, uglj, plin);
- lijekovi i sanitetski materijal;
- novčana sredstva.

Član 5.

Vlada Kantona će svojim propisom utvrditi obim i strukturu robnih rezervi koje treba da obezbijede, prema raspoloživim sredstvima, Kanton, općine i preduzeća.

Član 6.

Formiranje robnih rezervi vrši se na osnovu plana nabavke, proizvodnje i otkupa tržišnih viškova za robne rezerve.

Plan robnih rezervi donosi Vlada Kantona paralelno sa donošenjem budžeta.

Plan robnih rezervi iskazuje se naturalno i novčano.

U izradi plana robnih rezervi učestvuju resorna kantonalna ministarstva u dijelu koji se odnosi na robe iz njihove nadležnosti.

Član 7.

Robne rezerve formiraju se kupovinom robe iz domaće proizvodnje i ugovaranjem proizvodnje pojedinih proizvoda i usluga, otkupom tržišnih viškova poljoprivrednih proizvoda i deponovanjem novca. Ako na tržištu nema dovoljno domaće robe odgovarajućeg kvaliteta i uz odgovarajuće uvjete ili se roba ne proizvodi u zemlji, robne rezerve se formiraju kupovinom robe inostrane proizvodnje.

Član 8.

Kupovina robe vrši se na osnovu javne ponude, po tržišnim ili po propisanim cijenama, osim ako Vlada Kantona ne odredi drugačije.

Član 9.

O nabavci i proizvodnji robe za potrebe robnih rezervi Kantona odlučuje rukovodilac upravne organizacije koja se bavi poslovanjem robnim rezervama, uz prethodni dogovor sa resornim ministrima i uz saglasnost predsjednika Vlade Kantona.

Član 10.

Roba iz robnih rezervi može se prodavati u slijedećim slučajevima:

- obnavljanja, prije isteka roka upotrebe;
- intervencije na tržištu i
- prodaje viškova otkupljenih proizvoda iznad utvrđenog obima potrebnog za robne rezerve.

Član 11.

Uvjete prodaje roba iz robnih rezervi određuje Vlada Kantona, a eventualne negativne razlike između prodajne i nabavne cijene pokrivaju se iz budžeta.

Član 12.

Robne rezerve se održavaju povremenim obnavljanjem, zavisno od vrste i prirode robe i njenog vijeka trajanja, odnosno roka upotrebe.

Roba se mora obnoviti najkasnije 30 dana prije isteka vijeka trajanja, odnosno roka upotrebe, ako posebnim propisima nije drukčije određeno.

Kupovinom radi obnavljanja i intervencije na tržištu mora se obezbjeđiti ista količina robe koja je prodana iz robnih rezervi.

Član 13.

Robne rezerve mogu se koristiti za:

1. obezbjeđenje minimalnih potreba stanovništva i privrede u uvjetima rata i neposredne ratne opasnosti;
2. obezbjeđenje minimalnih potreba stanovništva i privrede u uvjetima prirodnih nepogoda i drugih vanrednih prilika;
3. intervencije na tržištu u uvjetima poremećaja u snabdjevanju stanovništva i privrede.

Član 14.

Minimalne potrebe stanovništva i privrede u slučajevima iz prethodnog člana, kao i potrebu za intervencijom na tržištu određuje Vlada Kantona.

III. SKLADIŠTENJE I ČUVANJE ROBNIH REZERV**Član 15.**

Radi smještaja i čuvanja robnih rezervi obezbjeđuje se odgovarajući skladišni i drugi prostor: izgradnjom vlastitog prostora, zajedničkim ulaganjem, kupovinom i zakupom na području Kantona.

Član 16.

Vlada Kantona može poslovni prostor u državnoj, mješovitoj i privatnoj svojini, privremeno, staviti u funkciju robnih rezervi uz naknadu, kada ocijeni da je taj prostor od interesa za odbranu zemlje, u skladu s propisima o mobilizaciji.

Član 17.

Preduzeća i druga pravna i fizička lica, kojima je ugovorom povjereno skladištenje i čuvanje robnih rezervi dužna su osigurati sve higijensko-tehničke i zdravstvene uvjete za održavanje robnih rezervi u ispravnom stanju, pravilno rukovanje i fizičku zaštitu, kao i tajnost podataka.

Subjekti iz prethodnog stava ne mogu tu robu koristiti, staviti u promet, otuđiti, promijeniti joj namjenu, preskladištiti, odnosno raspolagati protivno ugovoru.

Član 18.

Subjekti kojima je roba robnih rezervi povjerena na skladištenje i čuvanje dužni su, u slučaju uništenja ili

otuđenja robe njihovom krivicom ili korištenja robe suprotno odredbama ugovora, naknaditi štetu vlasniku robnih rezervi, najmanje u istoj količini i vrijednosti po tržišnim cijenama, uništene, otuđene ili iskorištene robe istog kvaliteta.

Član 19.

Subjekti kojima je roba povjerena na skladištenje i čuvanje dužni su o toj robi voditi propisanu evidenciju.

Član 20.

Uvjete uskladištenja i čuvanja određenih vrsta roba i normative kala, kvara, rastura, loma propisuje Vlada Kantona na prijedlog rukovodioca organa koji posluje robnim rezervama i uz mišljenje resornih ministarstava.

IV. FINANSIRANJE ROBNIH REZERV**Član 21.**

Finansiranje robnih rezervi Kantona obezbjeđuje Kanton, općinskih robnih rezervi općine, a robne rezerve u preduzećima finansiraju se iz sredstava preduzeća.

Član 22.

Sredstva za finansiranje robnih rezervi Kantona i rada organa koji posluje tim robnim rezervama obezbjeđuju se iz sljedećih izvora:

1. budžeta,
2. donacija u robi i novcu,
3. sredstava ostvarenih prodajom robe,
4. vlastitih prihoda Kantonalne direkcije robnih rezervi,
5. kredita i
6. drugih izvora (zapljenjena roba, novac i slično).

V. UPRAVLJANJE ROBNIM REZERVAMA**Član 23.**

Upravljanje robnim rezervama Kantona vrši Vlada Kantona donošenjem plana nabavke, proizvodnje i otкупа tržišnih viškova za robne rezerve, određivanjem obima i strukture robnih rezervi, obezbjeđivanjem finansiranja, imenovanjem rukovodioca organa koji posluje robnim rezervama i pojedinačnim odlukama u vezi sa formiranjem i korištenjem robnih rezervi.

VI. POSLOVANJE ROBNIM REZERVAMA**Član 24.**

Nosilac prava, obaveza i odgovornosti u pogledu poslovanja robnim rezervama Kantona je Kantonalna direkcija robnih rezervi (u daljem tekstu: Kantonalna direkcija).

Član 25.

Kantonalna direkcija posluje u skladu sa ovim zakonom, zakonom o državnoj upravi i Zakonom o kantonalnim ministarstvima i drugim tijelima uprave i posebnim zakonima Kantona.

Član 26.

Kantonalna direkcija ima svojstvo pravnog lica.

Član 27.

Sjedište Kantonalne direkcije je u Zenici.

Član 28.

U poslovanju Kantonalna direkcija zaključuje ugovore na način i pod uvjetima koji su predviđeni zakonom i drugim propisima.

Za obaveze nastale po ugovorima iz prethodnog stava, Kantonalna direkcija odgovara sredstvima kojima raspolaže.

Član 29.

O poslovanju Kantonalne direkcije vode se poslovne knjige u skladu sa zakonom.

Član 30.

Godišnji obračun sa izvještajem o radu Kantonalne direkcije usvaja Vlada Kantona.

Član 31.

Direktor Kantonalne direkcije, uz saglasnost Vlade Kantona, donosi:

- program rada Kantonalne direkcije,
- pravilnik o unutrašnjoj organizaciji i sistematizaciji,
- odluke o imenovanju i razrješavanju rukovodećih radnika u Kantonalnoj direkciji.

Direktor Kantonalne direkcije predlaže:

- plan robnih rezervi,
- odluke o korištenju robnih rezervi,
- uvjete prodaje robnih rezervi,
- uvjete skladištenja i čuvanja robnih rezervi, normative kala, kvara, rastura i loma robe,
- finansijski plan Kantonalne direkcije,
- subjekte sa kojima će se zaključiti ugovori za skladištenje i čuvanje robnih rezervi,
- preduzeća koja su obavezna formirati vlastite robne rezerve,
- preduzeća koja su od interesa za proizvodnju, nabavku i distribuciju robnih rezervi i vršenje usluga od interesa za robne rezerve,
- privremeno stavljanje poslovnog prostora preduzeća i drugih pravnih i fizičkih lica u funkciju robnih rezervi,
- stavljanje u funkciju robnih rezervi,
- privremeno angažovanje opreme i ljudi za potrebe Kantonalne direkcije.

Direktor Kantonalne direkcije zaključuje ugovore o poslovanju robnim rezervama.

Kontrolu poslovanja Kantonalne direkcije vrše ovlašteni državni organi.

Izvjestaje o kontroli poslovanja Kantonalne direkcije razmatra Vlada Kantona.

Podaci o poslovanju Kantonalne direkcije smatraju se državnim tajnom.

VII. KAZNE NE ODREDBE**Član 32.**

Novčanom kaznom od 2.000 do 50.000 DEM kaznit će se za privredni prestup preduzeće ili drugo pravno lice sa kojim je Kantonalna direkcija zaključila ugovor

o čuvanju i skladištenju robe i opreme robnih rezervi, koje tu robu skladišti ili opremu neovlašćeno koristi, otuđi, promijeni joj namjenu, preskladišti robu ili opremu u drugo skladište bez odobrenja Kantonalne direkcije, odnosno ovlašćenih organa utvrđenih ovim zakonom.

Za radnje iz prethodnog stava kaznit će se za privredni prestup i odgovorno lice u preduzeću ili drugom pravnom licu novčanom kaznom od 300 do 2.000 DEM.

Član 33.

Novčanom kaznom od 300 do 2.000 DEM kaznit će se za privredni prestup odgovorno lice u Kantonalnoj direkciji, ako robu robnih rezervi koristi suprotno odredbama ovog zakona, ako robu povjeri na smještaj i čuvanje pravnom ili fizičkom licu sa kojim nema prethodno zaključen ugovor ili ako ugovorom predvidi pravo preće kupovine u korist pravnog ili fizičkog lica sa kojim je zaključen ugovor o smještaju i čuvanju robnih rezervi.

Član 34.

Izrečena kazna iz člana 32. i 33. ovog zakona uplaćuje se u valuti važećoj u Federaciji Bosne i Hercegovine, po srednjem kursu na dan plaćanja.

VIII. ZAVRŠNE ODREDBE**Član 35.**

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-367/97

03.09.1997. god. PREDSJEDAVAJUĆI SKUPŠTINE
Zenica

Šefik Džaferović, s.r.

147.

Na temelju članka 37. Ustava Zeničko-dobojske županije, Skupština Zeničko-dobojske županije, na 12. sjednici, održanoj 03.09.1997. godine, donosi

Z A K O N O ROBNIM PRIČUVAMA ZENIČKO- DOBOJSKE ŽUPANIJE

I. OPĆE ODREDBE**Članak 1.**

Ovim zakonom uređuje se struktura, formiranje, obnavljanje i korištenje robnih pričuva, skladištenje, čuvanje, financiranje, upravljanje, poslovanje i druga pitanja glede robnih pričuva Zeničko-dobojske županije (u daljem tekstu: Županija).

Članak 2.

Robnim pričuvama smatraju se pričuve određenih roba i novčana sredstva koje treba da obezbijedi Županija, općine u sastavu Županije i poduzeća od interesa za proizvodnju, nabavku i distribuciju roba.

Članak 3.

Odredbe ovog zakona shodno se primjenjuju i na robne pričuve općina i poduzeća na području Županije.